

Lebanese Problematic Sheikh Hassan Merheb a true Muslim we need to understand

في اشيا مش عنحكيا تما ينقال انو عنفتري ونفتّح جروحات. يا عمي عنموت بعشرات الالاف بكل حرب لان مش عنجرب نفهم بعض الحقايق "حفاظاً على ماء الوجه" ولان عندور الزوايا تما يزعل فلان ويحرد علتان.

طبيب منيح قالها الشيخ حسن مرعب من يومين، وهو شيخ سني (لازم قول هالشي لان اليوم كل الناس بتفكر انو هيكل خطابات هي بس عند الشيعة)، وهو امام جامع الامام علي بطريق الجديدة، ومفتش مساعد بدار الفتوى. يعني مش "حبة وحبّتين".

وتعاليمه هي تعاليم مدرسة الازهر (اعلى سلطا سنية بالعالم مشان يلي ما بيعرف) وهي نفسها تعاليم الولي الفقيه (كلكن صرتوا تعرفوا انو اعلى سلطا شيعية): هي التعاليم البديهيّة بالإسلام، وبخط الامام المرحوم حسن خالد يلي قال "الفلسطينيون جيش الاسلام في لبنان". الخلاف بين المدرستين هو بشكل اساسي مين بقود تطبيق هالتعاليم، مين بقود المسلمين. هيدا الفيديو جوهرى ع كزا صعيد:

١- بأكد على توصيتين من قبل يسوع: قولوا الحق والحق يحرركم، وليكن كلامكم نعم نعم لا لا.

لو جماعتنا بيّعضوا. برافو للإمام حسن مرعب!

٢- باكد على ثوابت الاسلام يلي هني انو:

أ- المسلمين امة، يعني شعب، يعني قومية، يعني اتنية: هل ٤ تعابير هني مرادفات. عنحكي سوسيولوجيا. ادارياً، هني والمسيحيين من الشعب اللبناني من ١٩٢٠. اذا رجع تقسم لبنان ببطل في لبنانيي، متلما ما كان في لبنانيي قبل ١٩٢٠. متل ما الشعب يلي ادارياً بلجيكي، هو سوسيولوجيا شعبين: الوالونيين والفلامانيين. ما في شعب / قومية بلجيكية.

ب- العلاقة بين المسلمين على اساس الاسلام تعلق على اي علاقة تانية، اكان:

١- قوميات المسلمين السابقة للاسلام (تركي عربي كردي فارسي امازيغي هندي أويغوري (Ughyur) فرنساوي روسي الخ)، او

٢- مذاهب (سني شيعي درزي الخ)، او

٣- نسب (اب اخ ابن عم).

هلق إذا في مسلمين مش عمطبقوا هالشي، مش معناتوا هيدا مش الاسلام (متل ما المسيحيين ما بطبقوا تعاليم). بس الجوهر هوي انو إذا المسلمين طبقوا هالشي، ما تلوموهن! هيدا الاسلام: يعني بس إيران والحزب يدعموا حماس، وشيعة لبنان تحارب مع الفلسطينيين ضد الحكم المسيحي، وسنة لبنان يوقفوا بلبنان مع سوريا وفلسطين... هيدا شي بمطرحوا. المسلمون امة ضد اعداء: طبيعي!

ولمن اسلام لبنان تكون قضيتن فلسطين واسلام الصين واسلام اوربا، ما تخونوهن. سوسيولوجياً معن حق. وهيدا شي يعلو على انتماعن الاداري للجمهورية اللبنانية، يلي بالأصل انفرضت علين (ليش انفرضت موضوع تاني).

ج- بلاد المسلمين بلاد وحدة تم تقسيمها: صح. ما دام المسلمين شعب، لازم يكون عندن دولة. كان عندن ياها، الدولة الاسلامية الراشدية والاموية والعباسية والعثمانية. طبعاً انقسمت ع حالها، وكفى عليها الغرب سنة ١٩١٨. بالتالي اذا احب مسلمو لبنان الانضمام لأي كيان مسلم، هيدا شي طبيعي، غير انو حق تقرير مصير. ملاحظة: المناطق المسيحية بلبنان من بشري للمتن الشمالي هي المنطقة الوحيدة بالعالم الاسلامي يلي ما كانت ولا مرة ضمن "بلاد المسلمين"، وان كانت محاصرة لفترة ٧٠٠ سنة وبعدان خاضعة شكلياً مع امتيازات: ولا مرة دفعت جزية وكمان ولا مرة انفرضت عليها احكام الذمة.

د- فكرة اضافية: المسلمين سنة وشيعة عندن "شرعة حقوق الانسان في الاسلام" المرتكزة على الشريعة (ولبنان ماضي عليها). انعملت بطلب من خاميني ومع مدرسة الازهر باخر الثمانينات لان اعتبروا انو شرعة حقوق الانسان الصادرة عن الامم المتحدة هي نابعة من الارث الاغريقي اللاتيني المسيحي (عفكرا، يلي نابع من عند الكنعانيين القدامى). وهيدا الشي صحيح.

المسلمين يلي ما بوافقوا عهالتعاليم، رجاء ما يغطوا عليها لأن هالتعاليم هي المسير الاساسي لعموم المسلمين. طبعاً حقن يناضلوا مشان يغيروها اذا بدن. بس التغطية وكأن هالتعاليم ما لازم ناخذها بعين الحسبان بالسياسة وبحل أزمتنا، هي كفيلة باستكمال قافلة الشهداء من الجهتين الكنعانية (المسيحية) والمسلمة، وباستكمال الحروب والقهر والذل والفقر والتعثير...

#يا_فدرالية_يا_تقسيم

#يا_اتحادية_يا_تقسيم

#لمصلحة_كل_اللبناني